

Convenio de colaboración entre a Consellería de Educación, Ciencia, Universidades e Formación Profesional da Xunta de Galicia e a Entidade Inclusiva Diaconía España (DIACONÍA)

MEMORIA XUSTIFICATIVA

A Directora Xeral de Ordenación e Innovación Educativa da Consellería de Educación, Ciencia, Universidades e Formación Profesional,

DECLARA:

Que esta Consellería de Educación, Ciencia, Universidades e Formación Profesional ten previsto formalizar coa Entidade Inclusiva Diaconía España (DIACONÍA) o instrumento convencional arriba referido por un período de vixencia que abrangue dende o día da súa sinatura ata o finais do curso académico 2027-2028, isto é o día 31 de agosto de 2028, sendo prorrogado automaticamente por cursos académicos sucesivos, salvo denuncia expresa dunha das partes asinantes e cunha notificación á outra de dous meses de antelación. O seu contido poderá ser modificado, por mutuo acordo das partes, mediante a subscripción do oportuno acordo de modificación.

Que o instrumento convencional ten por obxecto establecer as condicións da colaboración entre a Consellería de Educación, Ciencia, Universidades e Formación Profesional e a Entidade Inclusiva Diaconía España (DIACONÍA) nas accións dirixidas á mellora da atención educativa ao alumnado que se atope en situación de vulnerabilidade socioeducativa, por condicións persoais ou de historia escolar.



Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:

Que a Consellería considera como un dos piares fundamentais dun sistema educativo de calidade a atención á diversidade do alumnado, o que esixe unha acción educativa integral que dea resposta axeitada ás necesidades específicas de apoio educativo, sendo necesario, para este fin, contar con toda a comunidade educativa así como coas entidades, asociacións ou entidades sen ánimo de lucro que adiquen os seus esforzos a esta finalidade.

Que o Decreto 229/2011, do 7 de decembro, polo que se regula a atención á diversidade do alumnado dos centros docentes da Comunidade Autónoma de Galicia nos que se imparten as ensinanzas establecidas na Lei orgánica 2/2006, do 3 de maio, de educación, dispón que o alumnado con necesidade específica de apoio educativo pode requirir "apoios ou provisións educativas diferentes ás ordinarias e que a consellería con competencias en materia de educación promoverá a colaboración entre as distintas administracións, entidades, asociacións e outras organizacións sen ánimo de lucro e con atribucións na prevención, detección temperá e intervención educativa co alumnado, establecendo protocolos comúns de actuación e favorecendo o intercambio de información e a difusión de boas prácticas".

Que DIACONÍA é unha entidade inclusiva sen ánimo de lucro, que nace en 1997 co obxectivo principal de inclusión y compensación de desigualdades educativas, asesoramento e apoio e servindo de punto de unión para as familias, que ten entre os seus principais fins os seguintes:



a) Emprender, executar, supervisar e apoiar as iniciativas sociais protestantes que favorezan o desenvolvemento integral das persoas que se atopan nunha situación de risco ou exclusión social, independentemente do credo ou orixe, podendo traballar con todos os colectivos de atención, tales como: infancia e familia, mocidade, poboación inmigrante, refuxiada, terceira idade, persoas con adicións de todo tipo (drogodependencia, alcoholismo, ludopatía...) igualdade de xénero, reclusos e ex reclusos, persoas con discapacidade, enfermos, necesidades do pobo xitano, persoas en situación de dependencia, persoas prostituídas e vítimas de trata de seres humanos con fins de explotación sexual, laboral ou tráfico de órganos, así como os seus fillos ou fillas menores ou con discapacidade etc.

b) Poñer en marcha, executar, colaborar, xestionar programas e proxectos e en xeral realizar actuacións dirixidas á atención de persoas solicitantes e beneficiarias de asilo, protección internacional, temporal ou apátrida, subscribindo para o efecto coas administracións públicas ou entidades de todo tipo os concertos, convenios ou acordos precisos.

c) Apoiar a acción social das Igrexas membros da FEREDE e das entidades sociais colaboradoras de DIACONÍA.

d) Promover o voluntariado e a cooperación social en xeral.

e) Executar directamente ou en cooperación con outras entidades de todo tipo de proxectos sociais, culturais, educativos e de cooperación.

f) Traballar en rede para o fortalecemento do terceiro sector en iniciativas tanto privadas como públicas tendentes á solución dos problemas da humanidade, cooperando, na medida das súas posibilidades, con organismos nacionais e internacionais de acción social ou relixiosa.



g) Fomentar tanto ao persoal das entidades evanxélicas, como a calquera outro interesado, de acordo co expresado nos fins anteriores.

En atención a estas consideracións, as dúas institucións teñen a vontade de sumar os esforzos que realizan no campo da atención educativa ao alumnado que se atope en situación de vulnerabilidade socioeducativa, por condicións persoais ou de historia escolar, manifestando que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do convenio que se pretende, con exclusión doutras figuras.

E para que conste, asíñase esta memoria en Santiago de Compostela

Judith Fernández Novoa

